


Headline	Perkasa usaha bendung HIV/Aids		
MediaTitle	Utusan Borneo Sabah		
Date	22 Dec 2016	Color	Full Color
Section	General News	Circulation	45,554
Page No	A2	Readership	136,662
Language	Malay	ArticleSize	218 cm ²
Journalist	NORWAHIDA YAMALUDDIN	AdValue	RM 766
Frequency	Daily (EM)	PR Value	RM 2,298



CHACHO (dua kiri) ketika merasmikan majlis. Turut kelihatan Dr Jennifer.

Perkasa usaha bendung HIV/Aids

Oleh **NORWAHIDA YAMALUDDIN**

SEMPORNA: Masyarakat perlu terus memperkasakan usaha membendung epidemik HIV/Aids kerana kejayaan tindakan yang berkesan itu akan menjamin kesejahteraan hidup sejagat.

Pegawai Daerah Dr Chacho Bullah berkata kejayaan usaha itu dibuktikan melalui pencapaian secara amnya, jangkitan baharu HIV/Aids di seluruh dunia telah mencatatkan penurunan sebanyak 35 peratus sejak tahun 2000.

Begitu juga dengan kematian akibat Aids yang juga menunjukkan penurunan sebanyak 42 peratus sejak 2004.

Di negara kita sepanjang tempoh Januari hingga September 2015, sebanyak 2,455 kes baru jangkitan HIV dilaporkan Kementerian Kesihatan, yang bermakna, negara telah berjaya mencapai Matlamat Pembangunan Millennium.

“Bagaimanapun, epidemik HIV/Aids masih dilihat sebagai cabaran utama di sesetengah negara dan di kalangan populasi utama (key population) di mana akses aktiviti pencegahan HIV/Aids dan intervensi perubahan tingkahlaku seperti

pengurangan mudarat adalah terhad,” katanya.

Beliau berkata demikian pada majlis Sambutan Hari Aids Sedunia 2016 peringkat daerah Semporna di Dewan Kementerian Belia dan Sukan Semporna, di sini, kelmarin.

Chacho berkata masyarakat memainkan peranan penting dalam membendung jangkitan penyakit dan kesedaran melalui pengetahuan yang ada dapat memperkasakan masyarakat memastikan tindakan pencegahan sewajarnya dapat diambil.

Katanya penglibatan yang

lebih aktif dan sumbangan dana yang lebih bermakna dari badan korporat, khususnya kepada badan-badan bukan kerajaan dalam melaksanakan aktiviti pencegahan dan kawalan HIV/Aids juga amat dialu-alukan.

“Sayamenyeru kepada semua agar memberikan sokongan yang padu dan berterusan dalam kempen pendidikan, pencegahan dan kawalan HIV/Aids ke arah masyarakat yang harmoni dan bebas epidemik HIV/Aids,” katanya.

Turut hadir ialah Pegawai Kesihatan Daerah Dr Jennifer John.